

證治要訣類方序

嘗聞醫者意也蓋人之致疾有風寒暑濕勞逸之異藥之爲味有酸苦辛鹹甘澹之殊苟非神聖工巧焉能測其表裏虛實之證審其浮沉滑數之脉變化順逆千態萬狀要在因病制宜臨機應變藥不執方隨時增減辯其溫涼寒熱度其緩急重輕定以君臣佐使製方施治非造詣精深洞明闡奧者烏能與於此哉

本朝太醫院使戴元禮得神農品嘗之性究黃帝問

診視之要精東垣

效如神雖古之扁

鵠華陀不是過矣況其際遇

明時遭逢

聖主位總醫流名揚四海有正誼不謀利明道不計
功之心惟以活人爲念嘗著證治要訣類方二冊藏
之篋笥甚爲秘惜惟靈隱住持示樂寺僧續西緒者
極與爲方外契交間嘗獲親愛而錄之珍藏什襲正
統辛酉監察御史陳君崑巡按浙江至寧波之慈溪
道經永樂寺西緒以御史之先大夫嘗丞其邑迄今
頌其德政由是情意懽洽出其秘藏醫書見示陳君

遍閱不能釋手味其論斷出新意於法度之中推測
病源著奇見於理趣之極觀其隨病加減之妙不特
藥之咸精抑亦治療之有據誠醫門之規矩準繩也
後之欲爲方圓平直者可不於是而取則焉今陳君
得之如獲至寶亟欲鋟梓廣布流傳徵予爲序著其
所得之由其與人爲善之意利人濟物之心何其至
哉予惟陳君簪纓世裔積德行善凡有可利於人者
靡不盡心且如今年春朝鮮國夷人數輩泛海捕魚
被風飄至 淞江官軍以爲倭寇擒獲解京送院收
候饑寒困苦君獨念之悉備衣糧供贍使無失所卒

復寧歸其存心制行率皆類是若是書刊行使天下
後世不惟賴要訣而脫沉痾亦必轉天橫而躋壽域
矣其有功於醫道康濟斯民之德豈淺淺哉

正統八年歲次癸亥十一月初四日

資德大夫正治上卿禮部尚書前

太子賓客兼國子祭酒毗陵胡濬序

證治要訣序

終

秘傳證治要訣目錄

卷一諸中門

中風

附破傷風漏風

中氣

中寒

中暑

中濕

中惡

附霍亂厥

卷二諸傷門

傷風寒

傷暑

傷濕

附痺

傷酒

傷食

卷三諸氣門

七氣

痞塞
附噎膈

積聚

腫

蠱脹

脚氣
附下血

陰頰氣

附玉莖疼

手氣

小腸氣

卷四諸血門

鼻衄

舌衄

肌衄

牙宣

吐血

咯血

嗽血

附肺癰

小便血

破傷血

瘡毒血

大便血

卷五諸痛門

頭痛

眼眶骨痛

附眼梁痛

牙痛

咽喉痛

附上壅

膈痛

附心瘥

臂痛

飲流入臂

肩背痛

心痺痛

脇痛

腰痛

腹痛

卷六諸嗽門

嗽證

哮喘

嘔吐

附惡心

吐血

停飲伏痰

翻胃

不喜食

噫氣吞酸

咳逆

卷七寒熱門

瘧寒熱

獨寒

獨熱

潮熱

附虛煩

卷八大小腑門

小便多

淋閉

尿血

白濁

遺精 附遺瀝夢遺

三消

大便秘

溏泄

交腸

瀉血

腸風臟毒 附痔漏腸癰

痢疾 附痢後風脫肛

卷九 虛損門

五勞

盜汗自汗

眩暈

虛炎短乏

驚悸 附健忘

怔忡

五癰

顛狂 附心風

不寐

卷十拾遺門

渴病

疸

眼疾

耳

鼻

口舌

附聲音

卷十一瘡毒門

癰疽癰毒

附發背腸癰露瘡

瘡癰疥

附疥瘡

癩

豆疥

癩風

附下疳瘡

癩撲

惡虫蛇傷

發丹

療癰

癢

卷十二婦人門

經事不調

血痛

附血瘕

血虛

崩中

赤白帶

胎前產後

方訣引用醫書

素問

難經

傷寒論

和劑方

三因方

濟生方

本事方

宣明論方

事親書方

脾胃論方

拔萃方

直指方

楊氏家藏方

魏氏家藏方

易簡方

簡易方

直選方

得效方

瑞竹堂方

黃堅志方

江西方

沈氏筆讀方

千金方

大全良方

活人書

證治要訣目錄

終

祕傳證治要訣卷之一

大醫院使戴元禮述

明 新安余時雨校

諸中門

中風

附破傷風漏風

天地間惟風無所不入一罅不塞來不可禦人之一身縝密者少疎漏者多風乘之也輕則爲感重則爲傷又重則爲中古人謂避風如避寇蓋欲窒源以防患中風之證卒然暈倒昏不知人或痰涎壅盛咽喉作聲或口眼喎斜手足癱緩或半身不遂或舌強不

語風邪既盛氣必上逆痰隨氣上停留壅塞昏亂暈
倒皆痰爲之也五臟雖皆有風而犯肝經爲多蓋肝
主筋屬木風易入之各從其類肝受風則筋緩不榮
或緩或急所以有喎斜癱緩不遂舌強語澀等証治
之之法調氣爲先經云善治風者以氣理風氣順則
痰消徐理其風庶可收効先用麻油調蘇合香圓或
用姜汁或用白湯調如口噤挾開灌之稍甦則進八
味順氣散

諸中或未甦或已甦或初病或久病忽吐出紫紅色
者死昏沉不省人事口噤不可進藥急以生半夏爲

末吹入鼻中或用細辛皂角爲末吹入喉噴嚏則甦
此可以驗其受病深淺則知其可治不可治若稍得
甦省者八味順氣散便服治風藥然未遽絕治氣藥
小續命湯煎熟去滓調蘇合香圓一粒或五積散加
麝香少許或星香散或醒風湯加木香一錢如服前
藥不效其人頑涎愈盛或前證不鮮或增困重宜星
附湯或三生飲加全蝎三箇間磨沉香湯下養正丹
肥人多有中病以其氣盛於外而歉於內也肺爲氣
出入之道人肥者氣必急氣急必肺邪盛肺金剋木
膽爲肝之腑故痰涎壅盛所以治之必先理氣爲急

中後氣未盡順痰未盡除調理之劑惟當以藿香正
氣散星香散煎服此藥非特可治中風之證治中氣
中惡霍亂尤宜尋常上嘔下疼多痰者亦可用之
若中後體虛有痰不可峻補熱燥者宜四君子湯和
星香飲或六君子湯和之中而口眼喎斜者先燒皁
角烟薰之以逐去外邪次燒乳香薰之以順其血脉
若前證多怒宜小續命湯加羚羊角熱而渴者小續
命湯去附子加秦艽半錢恍惚錯語者加茯神遠志
各半錢不得睡者加炒酸棗仁半錢不能言者加竹
瀝一錢殼許人虛無力者去麻黃加茯苓如其數

若人自甦者能言能食惟身體不遂急則攣蹠緩則
躄曳經年累月難以起止加減地仙丹常服

若中飲食坐臥如常但失音不語俗呼爲啞風小續
命湯去附子加石菖蒲一錢

筋骨疼者俗呼爲痛風或痛而遊走無定俗呼爲走
注風並宜烏藥順氣散和煎復元通氣散嚙地仙丹
或青龍圓未效用大防風湯或五積散調乳香末
脛細而膝腫者俗呼爲鶴膝風宜地仙丹

感冒後四逆手足不遂牙關緊急與霍亂後四逆手
足搐捻欲成風者草果飲和星香散各半貼煎服